


A 2933031




繪圖關關演義三

双紅堂
小說
5(3)


十
葉
文
庫

堯帝命羿射
九日



東洋圖書印

大舜耕於歷山野



虞宮



平羿失矢真奔月宮


會圖用經史

卷三

東洋圖書印

諸侯
建曆
即
帝位

舜帝命禹
治洪水



Vertical text on the left margin, likely a page or chapter number.

后昇簋
夏越
帝相



繪圖開闢演義卷之三

第三十七回 堯帝即仕都平陽

堯帝即仕都平陽
堯帝即仕都平陽
堯帝即仕都平陽

而生帝於丹陵地名今交高辛氏丁亥歲十一月十二日也母既生堯帝後移徙

至者地名左傳作鄆堯以祁爲姓故曰伊祁氏母初生帝時在三阿之南寄於伊長

改國於唐故又號陶唐氏因摯帝荒淫諸侯廢摯而推堯爲天子以火德王都平陽


舉朕不敢負天下民命亦不敢負卿等推立但欲卿等宜體朕心愛民如子則朕無

憂矣衆臣咸頓首稱謝帝命開內帑取出金銀寶物分賞各路諸侯回國併賞在朝

大小文武官員金帛各二表裏諸侯羣臣謝恩出朝次日堯帝陞殿兩班文武山呼



后羿篡
夏樹
帝相



繪圖開闢演義卷之三

第三十七回

堯帝即仕都平陽

五岳山人周游印止集
靖竹居士王 覺子承釋

却說帝堯謂之堯者句也幸循堯也至高之貌渭妙高遊優游博衍乃衆靈之主而
何嘗有陶唐氏乃帝嚳之子帝嚳之弟也母陳鋒氏之女名曰慶都懷孕十有四月
而生帝於丹陵地名今交富高辛氏丁亥歲十一月十二日也母既生堯帝後移徙
至者地名左傳作鄆以祁爲姓故曰伊祁氏母初生帝時在三阿之南寄於伊長
孺之家故從母所居爲姓也孺爲天子時堯年纔十二佐嚳爲政受封於陶年十五
改國於唐故又號陶唐氏因嚳帝荒淫諸侯廢摯而推堯爲天子以火德王都平陽
地今山於甲辰歲即位衆諸侯及羣臣朝賀山呼拜舞畢帝曰朕無才德蒙卿等冒
舉朕不敢負天下民命亦不敢負卿等推立但欲卿等宜體朕心愛民如子則朕無
憂矣衆臣咸頓首稱謝帝命開內帑取出金銀寶物分賞各路諸侯回國併賞在朝
大小文武官員金帛各二表襲諸侯羣臣謝恩出朝次日堯帝陞殿兩班文武山呼

拜舞畢有陽谷侯黃冲出班奏曰臣等離國日久恐境內有事今辭陛下帶領人馬各回本國未得聖旨乞賜指揮帝勞慰曰朕國無事卿等可速回國衆侯得旨辭帝各回本國而去不題却說自堯帝爲君其仁如天無所不覆其智如神變化莫測如日之照臨人皆依之可愛如雲之密布人皆望之可喜富而不驕彤車白馬以茅覆屋不取齊整蒲草爲席而無緣飾不視玩好之器不好奇怪異物惟存心於天下加志於窮民唯恐有一毫不到之處見一民有饑色曰我饑之也見一民寒曰我寒之也見一民有罪曰我愴之也百姓戴之如日月親之如父母仁昭而義立德博而化廣不賞而民勸不罰而民治天下之民莫不懽心自古帝王以來如堯者未之有也故孔子稱之曰大哉堯之爲君也唯天爲大惟堯則之又曰一人有慶兆民賴之此之謂也

第三十八回 堯命羿射九日

却說堯帝一日設朝文武山呼畢兩班侍立正值炎夏天上忽然有十日並出照地若火禾稼乾爛草木焦枯百姓驚惶衆臣奏知帝驚嘆曰天上十日並出害民禾稼卽害朕躬莫天厭朕爲君也命備香花燈燭帝自拜禱祝之曰臣堯本無大德蒙衆

臣推舉爲民之主今天現十日並出害民禾稼莫非臣堯有過罪坐於臣無降災殃以傷百姓臣今叩告望天見憐收入多日堯帝祝畢百官朝散次日早朝見日亦然帝見日不收矍矍大哭有一武臣姓平名羿現爲護駕大將軍見帝悲慘出班奏曰天地既分已經數萬餘年上天未現絕民之物今我主上爲君比之三皇列帝德過前朝豈有上天不佑而現十日絕民食乎臣思此必邪火藉日之光升在半空故有炎炙酷人焦禾殺稼之害臣雖不才能開千斤之弩待臣來日於御教場射之看其如何再作區處堯帝聞羿之言回悲作喜曰卿言有理但恐射之不到羿曰容臣試之帝准奏卽傳旨來日排駕同百官親詣御教場中觀看羣臣朝散次日平明帝同百官俱至教場演武廳前下馬帝於御帳坐定文武參拜已畢只見羿全身披掛左帶千斤硬弓右插狼牙鐵箭結束威風打扮整齊坐一匹白駒馬來至御營下馬見帝山呼曰臣甲冑在身不能全禮乞陛下赦臣之罪帝曰朕同羣臣在此觀卿才能卿可用意射之羿叩首謝恩飛身上馬左行三轉右走三遭指定一箭射去只見天上光烟燭落下一日於水中大響一聲帝與羣臣三軍百姓俱驚得呆了羿見射下一日精神倍增東走西馳連射八矢八日皆落水中正存一個日光羿射得性起將

那真日亦連射三矢端然不動帝見射之不落急命止射羿遂下馬見帝帝大喜排駕回朝登殿宣羿封爲落陽侯羿謝恩帝命設宴以待衆臣日暮而散帝入後宮却說帝后乃散宜氏之女名女皇大賢德迎接帝入宮禮畢帝命坐后曰我主治天下七載矣臣妾聞民不作忒鴟鴞逃于絕域麒麟遊於蕪澤此非我主化行仁德之政安能至此帝曰人無金德但朕爲君無一日不以天下爲心朕欲定天下道里遠近廣狹之名一時尙未可得心甚憂之后曰今宮中庭前忽生一叢草臣妾數之有五根十五日以前日生一葉十五日以後日落一葉更有落至只一葉或厭而不落不知此何草也帝聽后之說大悅曰朕一承位每恨朔望不分正欲定之不得其法卿言有草如此生落朕可依之以定朔望矣即命名之曰蕙莢草一夜無詞次日早朝羣臣山呼拜舞畢帝曰昨日朕在後宮朕后見庭前出草一叢共十五根十五日以前日生一葉十五日以後日落一葉或一葉厭而不落朕思度之每一月不可俱以三十日爲則亦必有大小之分一葉厭而不落者其月只該載二十九日爲一月落盡者其月方可載三十日爲一月也依此而排推則天道明而朔望定可不至於混淆也朕即命名之曰蕙莢草又欲傳之於天下與萬民悉知其月有大小之分但

此草不可移種難以頒行卿等有何高論帝言未畢有臣羲和現爲司天政之職出班奏曰未遇蕙莢難定朔望既見蕙莢不必移種四方臣得觀之以三百六十五日將數推算按周天三百六十五度作曆象星辰察其氣候敬授人時與我主頒行天下則萬民統知其要法矣帝聞奏大悅問曰此曆幾時可成羲和奏曰必得三年之功而闔法朔望月之大小自可定也帝賜御酒三杯金帛二表褒囑之曰卿其用心曆成之日其功不小羲和拜恩領旨辭帝出朝回家自去作曆法以十日爲一旬十五日爲半月後依蕙莢草之落葉而推之厭則二十九日爲一月落盡則三十日爲一月明四時往來之寒暑察一歲長短之節候以三個月爲一季以十二個月爲一年以周天三百六十五日定閏月晝夜循環以一日十二時一時分爲八刻時光似箭不覺三年曆法已成矣

釋疑或問曰羿射九日皆落而一日射不落者何也答曰前九日者乃邪聚之火成日只在半空故能射落後一日者乃真太陽居在第一重天安能射之今尅擇人有言兩太陽者因此說而起甚是可笑耳

第三十九回

羿繳大風除獸害

却說堯帝陞殿文武兩班山呼禮畢羲和出班奏曰前臣奉旨定造歷日今已完成
 獻上我主請龍目觀之以賜頒行左右近臣接上帝即於御案上展開見歷中朔望
 種種得法節節有則帝覽畢大悅曰卿成此歷日永為人閒耳目無天地方不用此
 歷矣如有天地此歷用之無窮即賜金花二朵綵緞四端加封為正歷總世侯羲和
 再拜謝恩帝命每年十二月造一歷頒行天下今朝廷頒行曆日自此始命排御宴以待羣臣正
 飲之間忽大風吹來對面不能開口共語筵食皆吹散於地帝看風從東方來吹之
 甚亟民屋皆倒拔木揚沙半日不息帝嘆曰朕聞天有風伯能害人屋前遇日害今
 又逢風害日害已除而風害不除民何得安必須制之即召平羿謂之曰前日害得
 卿射除今又值風害四方吹來最狂者東方卿可統三萬人馬於青丘地名今山東青州府安縣
 之澤其地有山皆高聳東方有缺寬闊三百里其風從此來故東方最急卿去指示
 眾軍先築土繳遮蔽之以分其勢則吹不能急也羿領旨出朝即領人馬三萬至青
 丘依帝之言星夜催督三軍築起土繳遮蔽東風一至破其隔散以分其勢遂不似
 前為害矣羿領兵還朝回奏帝大喜言未畢使臣又奏曰今洞庭湖名在今湖廣岳州有獸名
 曰猓今之豺高五尺長一丈橫行地方食人食畜又桑林地名今鳳陽府亳州有獸名封豨

今之野豬又嶺南地名今兩廣是有修蛇今之大蛇長三五丈者皆為民害百姓表奏望我主速為制
 之帝聞奏嘆曰自朕為天子天上日風並害地下獸蛇雜出負愧實多羿奏曰此非
 我主聖澤所致乃山林水道不通之故臣雖不才我主可發一萬人馬用強弓硬弩
 射之自然平伏矣帝大喜即命羿行辭帝出朝眾臣皆散次日羿早升帳整點人馬
 一萬分付三軍各帶鈎鏃長鎗強弓硬弩而行不數日來至洞庭地方百姓接見羿
 問曰獸形如何模樣百姓對曰獸多種類俱似牛馬之形有兩角者有無角者有食
 人食畜者有不食人食畜者有止食禾粟者我等欲捕之彼來眾甚多遭其害若其
 一至則我等皆逃避矣羿又問曰何日而來百姓曰無有定期或五日或十日或半
 月但眾獸至有見人直沖進者有見人而逃者善惡不一人皆避之將軍亦宜仔細
 羿即分付眾百姓曰汝等且退我自分曉眾百姓叩頭而去羿傳令立下營寨即
 喚三軍聽令曰我問百姓已知其詳者來日汝等三千人各用鑿鋤於山路平坦之
 處掘下一坑約長十餘丈闊四丈深三丈限二日完勿致違慢又令三千人各帶乾
 柴一束亦限二日完不得有慢又令三千人破木成牌四百面高八尺闊三尺牌後
 釘鐵圈八個以便手擊亦限二日完不可有慢三項如有慢者各按軍法眾軍得令

各去備造不題至第三日平羿升帳轅門外畫鼓三通各營官恭見已畢挖坑軍刈草軍打牌軍各各都來報完羿大喜即傳令分付曰三者既完某料這羣怪獸只在此一二日必出汝等刈草軍可將此草虛鋪坑中汝等急用鏡鉤搭起以繩索細縛解來請賞獸若見人必對面搶來必定跌落坑中汝等急用鏡鉤搭起以繩索細縛解來請賞三千兵領命去了又令三千執牌軍分付曰汝等各人皆執牌向前以防獸沖突後軍各放弓弩射去剪頭俱要塗毒藥汝等不可身出牌外三千兵亦領命去了次日平明羿親自披掛袍鎧結束弓馬於坑前指揮軍士却說諸獸一連六日未出見此日天氣晴明一來無食俱出於曠野之處向日遊行聽見地邊人聲相爭向前見三軍對面排立諸獸只說是人欲捉他之狀觀了一觀不知虛實吼聲大展對面一直搶來一聲響亮皆跌下坑中三軍大喊一聲一齊向前將坑中諸獸盡皆鉤起細倒打入寨去請賞更有未跌入坑者三千兵執牌弩齊出亂矢射去被傷死者十有七八止逃得一二歸山百姓鼓舞大悅羿升帳百姓叩首謝曰害我等者皆此獸也今得將軍除之萬民蒙福矣羿曰汝等百姓可向前觀看諸獸皆縛倒不能掙動前云有食人食畜者食禾菓者俱一一指示我軍人以便發落百姓領命俱各看過先指

豺狼虎豹等曰此幾種獸專食人食畜猛不可當羿即令軍士剝去一目剝其齒牙割去尾足扛入山中示衆有死者令宰而食之百姓又指獾鹿野豬山貓等曰此幾種獸只食菜菓羿令軍士野豬殺而食之獾鹿山羊各鞭責三十縱之入山不許到民田園擾害責得諸獸或拐足者或皮裂者叫吼之聲甚是慘人得放回者俱是低頭伏耳而逃諸獸亦有靈性但不能言語見被責者割去尾足者剝去目齒者豈不冤死狐悲各傷其類逃入深山再不敢出羿令百姓將草堆放山傍放火燒入山林老獸逃匿小獸多有燒死者又教百姓制牌弩以備捉而食之遂起馬至桑林桑林百姓於路迎接羿問百姓曰汝等地方有封豨今在何處百姓對曰此獸大似牯牛一出勢不可當人不敢近見其利害不知踪跡此獸無食自然出遊羿曰汝等且去吾自有法擒之令三軍且安營去歇息次日羿令兵卒亦於平地開一深坑上虛鋪草等候此物到來却說此獸數日未出是日出遊軍士見其來拋食誘之引至坑邊隨即跌入衆兵遂亂鎗戳死百姓大悅羿除桑林地方之害不敢留停徑領兵前至嶺表百姓拜迎羿問曰汝等地方多有修蛇可說詳細以便除滅百姓告曰地方有蛇長大者食人小者咬人被其攪亂民不安生或有在田或在水或在山人若遇之

必即遭害汝等且退我知道了百姓退去羿下寨屯住人馬喚三千兵分付曰前者吾用坑牌以制猛獸今用毒藥以滅修蛇汝等三千人各身穿鐵甲足穿鐵靴手執長刃宰豬犬雞等肉以毒藥酒浸三日外又將毒藥拈香油麻麪炒熟各肉我自有用處三千兵領令去了又喚三千兵分付曰汝三千人可於有蛇去處亂掘土窟深一丈長開三丈三千人亦領令去了又喚三千兵分付曰汝等三千人各備乾草一束伺候聽用三千兵亦領令去了第三日衆兵俱來報完羿曰汝等既已完備可將毒肉散放窟內蛇出聞香必爭趨入食之定然毒死汝等將乾草點火丟下窟內燒之然後用土填塞此蛇害可除矣有未離水者可用毒肉放於上流隨水而下蛇聞香味必然食之亦定死矣更有未離山者亦將毒肉炒香引他出食自然平淨再無有不死者衆軍得令各去依計而行次日將毒散於窟內諸蛇聞見香氣果然成羣而出爭奔入窟食之三軍見蛇已入窟中食肉各將乾草點火亂丟入窟其蛇有毒死者未毒死者盡被燒死腥羶之氣沖天一時以土填滿三軍又將毒肉并汁棄於上流水中之蛇有未出者食之盡死山凹亦放毒肉大小蛇聞香味食之皆被毒死羿令穿鐵甲靴三千兵各執長刀於山中搜尋遇者斬之所逃者百無一二百姓看

見歡聲如雷羿見三處俱已寧靜拔寨起馬百姓遮道跪送羿發放回歸一路無詞領人馬回朝復命正值堯帝降殿羿隨班拜伏於地一一奏知前事帝龍顏大悅曰卿前除九日大風今收妖獸修蛇與民除其大害有沒世之功賜金銀各一百斤綵緞一百疋加封爲總平侯呼排御宴羣臣慶賀太平羿謝宴朝散不知後事如何且聽下回分解

第四十回 平羿夫妻入月宮

却說平羿既立此數件大功於世自以得意喜氣揚揚又得封賞朝散回家見妻出迎手內執藥丸一顆光焰爛灼香氣襲人羿問曰卿手內所執何物妻對曰此長生不死藥也羿曰有此佳寶卿從何處得來妻曰自君奉差去後仙人自王母憐我孤身獨宿夜夜到此相伴遇月明時則呼侍女搗藥我問所搗何藥西王母答曰此長生不死藥也每一月搗一丸一年搗十二丸朔旦則服之以調陰陽之氣說三日前搗得一丸在此命我收起他去蓬萊探皇東王公約至半月後到此取討我見今晚月明如晝取出試一展玩耳羿曰卿何不吞之妻曰他來取時我何詞以對是欲求長生先得短命也羿曰既號靈藥是處可以潛形何必拘此而自悞乎汝試吞之亦

自有說其妻依夫之言一口吞之習習欲飛身輕若雲遂奔入月宮之內羿緊攬其衣隨之而去妻為嫦娥羿為蟾蜍云時堯帝六十二年甲辰歲八月十五夜也後來唐朝詩人杜工部看到此處有詩二首為證詩曰

天上秋期近人間月影清入河蟾不沒擣藥更長生只益丹心苦能添白髮明
干戈知滿地休照國西營

四更山吐月殘夜水明樓壘鏡元開匣風簾月上鉤
兔應疑鶴髮蟾亦戀貂裘
斟酌嫦娥寡天寒奈九秋

又唐人李義山亦有詩一首云

雲母屏風燭影深 長河漸落曉星沉 嫦娥應悔偷靈藥 碧海青天夜夜心

第四十一回 四岳舉繇治洪水

却說堯帝治天下六十有二載是歲洪水為災天下諸侯雪片表章入朝告急帝陞殿問羣臣曰今天下方略清平又有洪水之患誰可治之以解朕憂四岳臣出班奏曰陛下若除洪水之害可用崇伯侯人名音褒大禹父也前去堪稱任此職帝曰朕聞繇之德政剛悻違眾易於敗事不得民心方逆上命恐其不可用也四岳又奏曰我主聖



見甚明但今洪水之災至急臣觀在廷諸臣固是皆可用若論其才能則無出繇之右也臣料繇此行必能成功陛下姑試用之如不能則又召回另選有才德者代之帝曰卿言雖是但洪水非小智者可治既卿公舉朕試用焉即宣繇至朝見帝山呼禮畢帝曰天下洪水為災朕欲得一人治之第其務非小可之事今四岳保卿此領重任卿行當欽哉以勉之卿可試言該如何制度布置繇曰蒙君天恩正無有報効量治洪水一小務臣至其處臨機應變自有方略治之不勞聖慮帝曰卿可戒其所短取其所長酌其才而用之加以敬謹朕何慮哉恐卿以才自負忽不加意萬一不然王法無親卿悔弗及矣繇頓首曰謹領聖諭焉敢有違帝當殿親賜御酒三杯金花二朶迎出朝門百官遠送點人馬三千為從繇別過百官催動人馬一路長行來至華渚地名地二處本鎮諸侯聞有朝廷差官到此治水皆出城六十里迎接繇下馬相見畢延入公館分賓主而坐繇問曰華渚侯自那一朝受封為侯起對曰某祖太昊帝朝陰康氏之後至下官姓前名增繇曰堯帝有加封否增曰前同十九路諸侯廢摯帝立堯帝有功加封為青文侯繇又問姬水侯曰足下自那一朝封侯起對曰某祖黃帝朝命榮氏之後至下官姓鍾名協繇曰堯帝有加封否協曰亦前

同十九路諸侯廢摯帝立堯帝有功加封定數侯繇曰二位既皆朝廷有功之臣今遇此洪水之災不與國家建功出力何袖手傍觀使民受害至差某勞苦二侯曰此朝廷知足下才能故有此差非干某等之累及也繇曰不必多說可速去各備民夫五千名鐵鋤器械五千件以便來日興工應用二侯只得唯唯而退自相言曰今堯聖明之君欲與民興利除害所差遣之人必賢良方正公直忠厚終可為事今見崇伯侯繇之言是一貪戾之徒恐非制治終事之人也乃曰我等且僉討人夫器用看他來日行事何如二侯各回去齊備人夫器用不題却說次日這差官崇伯侯升帳帶來三千兵馬簇擁排開甚是威武端坐帳上二侯入見參拜列坐茶畢繇恨二人無贖見禮心怒不平問曰昨曾分付民夫什物可完成否答曰一切完成供于臺下伺候遣用繇曰既已齊備今日且退明日起工二侯起身告曰今洪水為災百姓晝夜不得安生今幸明公駕臨猶久旱得逢甘雨若待明日即要虛費數百金民心不安乞賜動工上報聖恩下救萬民繇大怒曰汝二人只知費一日之財不知某之勞苦二人見其大怒只得退出來發放了民夫明日候候百姓亦散二侯和議曰看彼昨日之言今日之語此皆是明要我等財物今民窮如洗那有財物不若將庫中所



有財物且充與之告彼動工以救眾民於是二人各將府庫之財查算計止得五千之數二人商議留下三千鎮庫取出二千來日餽送次日繇早升帳二侯入見禮畢告曰明公駕臨做治人民久遭洪水為害庫無餘積盡數搜括止得微末慚愧貢上少申鄙意伏乞笑納不勝榮幸繇看禮帖上寫白金各二千兩乃笑曰此朝廷差遣何勞二公厚惠二人曰菲薄微禮不足以奉清光聊表寸敬繇乃小人一見四千之金竟不推辭而受令左右侍從取過二侯曰今明公興工治水某聞金木水火土各有一神主之水必有水神可用猪羊祭告然後起工繇聽罷大笑曰水豈有神如其有神其心必正肯害人民水是無神縱若有神亦邪妖而已某乃奉命欽差治水何用祭為並不信二侯之言又無治水之法但分付軍民人等曰凡有水急流之處只挑土以壅塞之今日壅塞明日冲蕩去每皆如此非止一處勞民傷財無法可治二侯掩口笑之繇見不能阻其水流且自離了華渚姬水又往他處凡經過處不問長短只要賄賂唯令軍民用土以掩小流不三五日或半月一遇大雨滂沱依然浩蕩大流人民反受其害百姓只得自相計議開溝放流暫時掩塞但洪水一發或一二年或三四年高處猶可栽處至其漫野水勢飄沒人民牛馬廬舍不知推蕩去幾千

里却說崇伯侯自領旨出治水已歷九載未見寸功濫受官民之財數盈百萬每年上表但言工程浩大巨鞠躬盡力而後已自度不能成功恐帝問罪只得收拾領了人馬回朝一日帝坐金殿羣臣山呼拜舞畢傳奏官奏曰有崇伯侯蘇治水回朝現在午門外候旨帝命宣來蘇拜舞於御階下帝曰卿別朕九載洪水為災用何法以治之今民安否何如蘇奏曰洪水滔天勢不可治力盡法窮暫且令民以土壅塞之特來回奏容臣再作區處帝聽罷大怒罵曰無謀匹夫唯知貪財好貨害國家大事朕已久知汝凶頑嗜酒忘却四岳保汝朕亦勉之何今日敢無忌憚若此立命武士推出朝門外殛之於羽山在今淮安府即傳旨曉諭天下諸侯各用軍人急於流之處開溝放至會水所在暫時守護不用土掩候另差官制治自此天下洪水之災頗安無復有似前之患矣

第四十二回 堯帝康衢聽童謠

却說堯帝治天下六十有八載此時天道人事鳥獸草木禾稼財貨俱各有序四民樂安其業諸侯咸服百姓鼓舞太平雖有洪水一端帝亦致民權宜開流以去其水蓋未得全法而不至受全害矣帝見天下諸侯進來表章無有告急者皆頌聖德帝

不知天下治與不治問於左右在朝在野之人亦不知之帝心不安乃命排駕出巡於東衢地名去帝都一百里見兒童唱謠歌曰

立我烝民 莫匪是極 不識不知 順帝之則

帝聽罷微笑曰朕今日方知民得安矣命左右賞衆兒童金錢果豆兒童見賞皆大懼喜嘻嘻而笑曰稱萬歲復歌而去帝命駕回至襄陵地名屬平陽府有九十老人姓席氏擊壤歌于途曰

日出而作日入而息鑿井而飲耕田而食帝力於我何有哉

帝聞歌嘉之曰此朕之老師也命左右引前賞以絹帛老不受而去帝益嘆其賢云又巡狩於巡狩者謂巡守華封地名去帝都二百里老幼人民俱出迎接聖駕齊跪路傍帝下御輅命扶起衆者問曰朕為君無役於民乎衆民對曰無又問曰朕無削於民乎衆民對曰無又問曰汝等安乎衆民對曰安帝聞衆民之奏大悅曰卿等既安各宜孝敬勤謹尊卑和睦朕無憂矣衆民奏曰百姓自聖上為君以來就之如日望之若雲仁昭而義立德溥而化溥民等無以報聖德惟三祝聖人願聖人多富多壽多男子帝聞奏笑曰朕何當之若多男子則多懼多富則多事多壽則多辱朕不願

此三祝封人曰天生萬民必授以職何懼之有富而使人分之何事之有天下有道與物皆昌天下無道修德就閒千歲厭世去而成仙采彼白雲遊於帝鄉何辱之有帝聽罷大喜曰誠哉是言也但朕躬無為何敢當此遂命左右近侍徧賞封人眾民叩謝聖恩帝命排駕回朝眾民不忍帝去至望不見方散

第四十三回 大舜躬耕於歷山

話分兩頭且說大舜乃黃帝八代孫也黃帝生昌意昌意生顓頊顓頊生窮蟬窮蟬生敬康敬康生句望句望生嬌牛嬌牛生瞽瞍瞽瞍生舜瞽瞍姓嬌娶妻名曰握登見大虹有感而生舜于姚墟地名今在東潮州故不姓嬌而姓姚母握登早喪瞽瞍夫言瞽時人謂之瞽瞍非真無目者也繼娶後妻名曰壬女又生一子名曰象象下愚不移繼母溺愛已子欲害前子往往不能無可奈何一日舜同弟象出耕象偶失足跌在田水中舜負之歸家母見象衣服皆濕象告曰失足跌倒所濕後母候夫回峻之時告瞽瞍今日同象出耕推象水中幾欲害死他意獨占家財瞽瞍大怒喚舜詢之舜曰弟自失足跌倒非舜之過父不信杖之舜惟吞聲隱忍也瞽瞍不明母聽後妻之言溺愛於後子欲致舜於死地一日瞽瞍夫妻商議欲陷舜於古井在山東濟南府城之南土有大



舜祠下有後妻故出至言躊躇設計陷舜死地故將頭上金釵墮下井中忙呼舜曰

我失一股金釵于井中喜得井中無水汝可下去拾起即以與汝勿可慢了舜並不辭即下井去拾之後母瞽瞍象三人見舜下去上面各將磚石以塞井口自料此回給舜必死無疑各大喜回家豈知舜之孝心感動天地古云舉心動念鬼神皆知况王者不死有當方土地早知其事預先分付一青面狐於井中掘開一路直至山前彼時狐見舜到井下即向前引舜至路只見上面磚石紛紛拋下舜已走離井中猶若夢中只顧逃避望光處奔行有半里許乃出穴道至一山中四無人烟神魂不定且驚且喜只得尋路回家却說瞽瞍後妻象三人正在家中言舜此回定無生還之理言未訖忽見舜已至面前三人皆大驚失色乃曰汝人耶鬼耶舜雙膝跪地告曰兒人也非鬼也父母不必驚疑瞽瞍即轉語曰我常與汝母弟言汝有術法不死汝母弟再四不信故試汝與他母子看今果然不死回家汝恐肚飢可去吃飯舜不敢違父命自去吃飯飯畢父又曰日前我往前村見倉中稻穀朽者甚多汝可明日去搬出曬乾此乃一年之計勿可惜了舜怎知是計只得領諾退入後堂去三人於堂前密議待明日舜去上倉搬穀我等四圍堆起乾草放火燒之他縱有騰空駕

雲手段也逃不出去不怕他不燒死三人密議已定欣喜去寢不題却說舜至次日早起吃了早飯即去倉所只顧搬穀三人密地而至四圍暗堆柴草放起一把火來頃刻烈焰冲天煙迷四野三人忙走回家舜正在倉搬稻只見煙逼入倉目不能開急上倉觀之倉外四圍火起心中大驚無計可施忽見倉上有破葉笠二片連忙取之用兩手各拿一片拚命憑空跳下離火丈餘舜有天子洪福百靈護助幸有二片葉笠在手扇開猶如兩翅飛下一搬的故得死舜亦不知是魂中夢中看火滅息然後回家後宋賢看到此處有詩一絕為證詩曰

古今繼母總皆然 瞽瞍偏願聽惑言 大舜雖存孝悌道 那如閔損父親賢 却說瞽瞍三人回家自相言曰今次四面火起更有何計逃出燒死必矣各皆大笑飲酒而樂舜歸至家有一更初見門已閉只得叫門瞽瞍聞見其聲與妻曰此又是舜聲氣莫非又燒之不死象曰豈有此理待兒開門看去象一開門舜入于庭下拜見父母父母驚跳不定象亦駭倒疑是鬼回舜見三人大驚小怪問曰兒今回家一家為何驚駭父母聞言定睛再看果是舜非鬼也瞽瞍佯言曰我昨日曾分付汝今午去前村倉中搬曬稻穀汝曾去否舜告曰兒早去倉中搬曬稻穀正搬之間不知



忽然煙火四起兒命險些燒死賴父母福庇幸而倉上有砍搥斗笠二片拿在手中拋命跳下走開方得不死父大怒曰汝不小心失火燒倉又焚了多少稻穀故延擱至夜而回尚敢在此胡言妄語答之流血舜再不敢分割隱忍受責而退父見舜退象與妻曰井陷火焚俱不能死此是何也繼母壬女曰必思一毒計除之不然舜強眾弱日後我夫妻年老終久象遭渠害瞽瞍惑于後妻之言每欲殺舜非止此數端史云父頑母嚚象狡舜但盡孝弟之道事父母待兄弟更加恭順及有小過則受罪自適不失子道年二十以孝聞於朝野一日躬耕于歷山在山東兗州府山中之象代舜犁土眾鳥為之耘草歷山之人見舜孝德耕皆讓畔又漁于雷澤在兗州府曹州雷澤之人皆讓舜居陶于河濱地名在曹州府河濱之人器不苦窳陶瓦器也窳音與缺也言舜燒窳于此不損其器也舜自此名聞於天下士民咸感仰云為景星慶雲耳

第四十四回 堯帝訪賢讓天下

却說堯帝治天下七十年皇后名女皇生一子名丹朱帝每翹之不足以承天下每欲求賢自代奈一時未得其人却說箕山在子陽府有一隱士廬州巢山以樹為巢

而息其上不肯說人以姓名人只號他作巢父音不與外方人交通衣食自足夏則巢居冬則穴處無杯盂以手捧水而飲之人見其飲無杯以瓢遺之許由授以操也也辛飲罷挂於樹枝風吹瓢動歷歷有聲巢父惡其繁取而棄之堯帝聞其賢親齋圖籍到山以天下讓之巢父曰君之牧天下猶予之牧孤犢焉用惴惴音慄言也然以所牧而與予予無用天下為也不願堯帝徑牽犢而去帝納悶回朝又聞得其山隱士許由與巢父極相善埋名市澤之中帝遣使至其家請他入朝致天下而讓焉許由延使入坐安之宿歇走告巢父巢父正在樹上睡熟聞樹下有人呼喚啓窗視之見是許由立在月下召他上來問曰汝深夜到此何幹許由欲說不敢說半吞半吐的巢父曰賢弟有話明說我代汝區畫便是許由方說堯帝已知其名欲以天下讓我還受之還是辭之巢父大怒責許由曰何不隱汝形韜汝光令人曉得姓名把那天下來相累汝非吾友也即擊其膺音膺也而速下之許由被巢父責了一頓奔走回家對使者曰匹夫結志固如磐石探山飲澤所以養性非以貪天下也辭却使者遂退耕於中嶽嵩山穎水之陽箕山之下三地名並年同南嶽登封縣是使者回朝奏許由高志不肯受天下之任帝曰此乃高士他必怪朕不親造其廬所以不來須待朕親訪讓之遂齋圖籍



與二三文武到市澤地名見他門戶封閉問於市人市人說他退耕於箕山去了下帝即訪到箕山下見他與妻二人坐在大樹下補衣曝日帝趨向前施禮謂之曰朕自即位以來經營宵旰今天下稍得治平久聞高士有德分明日月出矣而我燭火不息其於光也不亦難乎分明時雨降矣而我猶然浸灌其於澤也不亦勞乎夫子立而天下可以大治我敢貪位蔽賢乎請致天下許由曰君今治天下天下既已治矣而我猶代君君將為名名者實之實也吾將為賓乎鷓鴣巢於深林不過一枝偃鼠飲河不過滿腹歸休於君吾無所用天下為也不願堯帝遂與妻子竟入深林去了

第四十五回 堯讓舜天下而崩

却說堯帝以天下讓賢訪得巢父許由高致皆親往致之俱不肯往帝與二三臣下只得回朝一日陞殿羣臣朝畢帝曰夫天下者乃萬民之命脉係子一人務在賢明有德者居之方不負蒼天民命朕有子丹朱不肖古之人不理正務便是謂之不肖也朕甚病之况且朕年邁恐不久立前者親訪讓巢父許由皆不肯受今卿等可公舉天下有賢明才德兼備之人可代朕位者朕受之以厥職羣臣皆奏曰太子可堯帝笑曰知子者莫若父朕肯私一人之利而病天下哉卿等若知有其人公舉便是不必多疑羣臣又

奏曰太子賢愚臣等不知陛下不授太子欲授賢明之人臣等惟聞得歷山姚舜孝
悌聞於天下且賢明忠正我主欲授天下與人非斯人無可當之者帝聞奏大悅曰
朕亦聞名久矣即命四岳為使直至歷山召舜入朝四岳領旨辭帝而行却說大舜
正在歷山耕耘四岳適至見舜接入禮畢茶罷四岳曰堯帝年邁太子不肖欲傳大
位於賢者朝臣奏舉明公孝友賢能帝命下官召明公入朝托以大事舜曰某乃孤
陋拙夫決不敢當此重職恐負所托四岳曰明公德播天下民皆仰望今非一人所
知者不必太謙舜曰父母在堂必不我行四岳曰盡忠不能盡孝君命召不俟駕而
行豈有不行之理舜見辭不可只得隨使命入朝夜住曉行不數日已達帝都怎見
得皇州景色唐人有詩為證詩曰

山河千里國

城闕九重門

不覩皇居壯

安知天子尊

堯帝陞殿文武兩班山呼拜舜已畢四岳出班奏曰前蒙陛下差臣往召姚舜今至
朝外未敢壇進奏取進止帝聞四岳之奏大喜即命宣入舜至殿前拜舞於丹墀之
下帝降階而接親手扶起賜坐而問之曰朕再欲治平天下今無有長策如之奈何
舜對曰執一無失行微無怠忠信無倦而天下自來帝曰奚事對曰事天帝又曰奚



任舜對曰任地帝又曰奚務舜對曰務人帝又曰人情奈何舜對曰妻子具而孝衰
於親嗜欲得而信襄於友入之情也若夫從道則吉反道則凶猶影響也帝見舜對
答如流又欲試察其才能又問之曰為君之道更當何如舜對曰美五常無違教也
揆度庶政之官以時而叙無廢事也開四方之門以賓禮親邦國諸侯各以方至而
使主焉此和之至也今有洪水之害使臣至山足雷雨大至而不失常不迷知其度
量也此則慎徽五典五典克從納於百揆百揆時叙實於四門四門穆穆納於大麓
烈風雷雨弗迷得斯人而天下治矣帝聞舜奏大悅曰卿言皆合朕意今天下得人
朕無憂矣便即欲授天子位於舜帝又自思曰舜之賢能雖見而恐內不得其賢婦
有生內患當日朝散次日旦朝帝即以二女妻舜長曰娥皇次曰女英二女皆大賢
事舜無驕色無喜容雍雍默默躬修德化不耽乎枕席之私情不溺乎房帷之偏愛
順心樂從齊執婦道時光似箭日月如梭帝召舜至朝不覺有五載矣帝一日陞殿
命臺官滑吉使舜稱位凡大小事務盡決於舜堯帝忽沾疾不起數日而崩在位七
十二年又攝位二十八年壽一百九十八歲舜盡心臣道理明事畢葬帝于羽山在
平州西南本朝洪武四避位于河南即今之不出天下諸侯朝覲謳歌訟獄者不朝
年建祠有司春秋祭焉

丹朱而朝舜舜無可奈何只得出即天子位

補遺史記帝王世次云昌意曾孫敬康與堯四從兄弟為舜高祖則舜為堯四世從孫與堯同時堯以二女嫁之是舜以曾祖姑為妻已若可疑又禹與堯亦四世從兄弟舜亦禹四世從孫乃先受堯之天下而後授之禹又舜五世從孫乃殛五世從祀于羽山有是理哉第緣為國意政殛之理也法也曾祖姑為妻而為天下亦理也今人無得論其微而失其大先聖但知大而不顧其微乃聖賢度量非聖人不識其道也

第四十六回

舜帝即位召八愷

却說堯帝既崩諸侯咸立舜舜猶舜也言能推信堯道而為天子於丙辰年即位以行之舊詳法仁聖盛明曰舜十德王建都於蒲版地名今即蒲州國號有虞氏舜帝乃黃帝八代孫也父瞽瞍母握登見大虹意感而生舜于姚墟見前正月上日受命于文祖攝行天下事羣臣朝賀山呼拜舜舜帝知高陽氏有八才人天下謂之八愷和顓頊朝會同勾龍征滅九黎八人皆老邁帝登基命召至朝使主后土八愷名曰蒼舒隤凱檮戡大臨隴降庭堅仲容叔達皆賢能又高辛氏有才子八人天下謂之八元曾同堯帝諫擊帝無道亦



皆老邁舜知其賢能命召至朝封為種穀侯使教人種布五穀於四方八元名伯奮仲堪叔獻季仲伯虎仲熊叔豹季狸又封禹為司空進宅百揆百揆謂敘實于四門封棄為后稷教民稼穡封舜為司徒敷五教封樂陶為上師明五刑封皋為共工理百工封益為虞侯治山澤封伯夷為秩宗典三禮變典樂龍作納言是所謂九官也各執一務舜帝自祭璇璣玉衡以齊七政以象星辰之位廣開視聽求賢自輔立誹謗之木設旌諫之鼓以廣直言之路訪不逮於總章養國老於上庠養庶老於下庠憲其行止責德尚齒藏金銀於囷巖之山捐珠玉於五湖之淵杜邪淫而絕覲媚作米廩以藏帝籍立兩學以教國士戴其功以加四海蒸已無為而天下大治麟鳳呈祥雲霞獻瑞但不知後事如何且聽下回分解

第四十七回

舜帝歌南風之詩

却說舜帝自即位以來無日不以天下民為念乃彈五絃之琴先制五絃後加文武二絃今七絃也歌南風之詩南風和煦能解民之愠岡長養于萬物又能豐歲阜物帝故歌之也南風之薰兮可以解吾民之愠兮南風之時兮可以阜吾民之財兮

帝文思以樂教天下。一日陞殿文武朝見已畢，帝問羣臣曰：「朕欲正音樂以教天下，誰為可任？」重黎出班奏曰：「夔足可任。」帝悅，即以夔為正樂官，命延益八絃為二十五絃之瑟，夔領旨於是造九韶之樂，布六列六英以明帝德。明帝德者以明樂成舜帝早朝夔進樂器，奏曰：「臣前領旨製造八絃為二十五絃之瑟，呈上陛下，龍目觀看，帝取於御案，視之巧妙極甚，帝大喜，命夔從首至尾演彈整操，看其果否。何如？」夔領命乃一一彈操，遠近聞之，爽心通竅，悅耳開目，草木亦為生輝，真可正六律和五音，以通八風。六律太和夾鐘姑洗三律屬春其數八中目蕤賓林鍾屬夏其數七夷則南也分寅鍾入族姬蕤賓夷則無射為陽六律大呂夾鍾仲呂林鍾南呂應鍾為陰六律五音宮商角徵羽宮為君商為臣角為民徵為事羽為物又風東北曰條風正風正西曰間風東南曰清明風正南曰景風西南曰涼風正北曰廣莫風也帝曰：「卿何以識之？」夔奏曰：「臣以四方四維配合而成，帝曰：「夫樂天地之精，得失之節，故惟聖人和樂之本，今卿能知之，則天道正而四時序，人民安而五穀登，用平天下一夔足矣。命作太平筵宴，以待羣臣。」帝自歌南風之詩，調七絃之琴，彈二十五絃之本命，禹與九韶之樂。即舜樂名九韶帝重加賞賜，羣臣謝恩而退。自此天下太平，萬象明德，皆自帝始。時景星出，卿雲與大星也。狀如半月，見于晦朔時，王者政教無私，則生鳳凰來儀，近臣奏知，帝登殿百工出卿音慶祥雲也。王者德令于山林和氣到則生。

相和而歌，帝乃偶之曰：

卿雲爛兮，禮縵縵。無文章也日月光華，旦復旦。

八伯咸進稽首曰：

明明上帝，爛然星陳。日月光華，於一人。

帝聞奏大悅，羣臣慶賀，君臣筵宴日暮而散。

第四十八回 舜帝命禹征三苗

卻說堯帝朝有四諸侯：一渾沌氏，二窮奇氏，三檮杌氏，四饕餮氏，皆不開通，其行俱好奇貪財嗜食。堯時謂之四凶，每欲削其職，值多事未能。舜帝即位，命使曉諭，皆不聽從。帝大怒，遂逐之。四裔地名去王畿四千里之地為民四凶，見帝明德威嚴，不敢遷延，只得前去。正是打草驚蛇時，有三苗者亦三諸侯，一名共工，二名驩兜，三名政綏。此卦綏也，故乃名也。此三侯亦貪名好利之徒。一聞帝削去四凶之職，流竄為民，恐罪及己，三人暗通文書，出下榜文，謠言帝欲滅各國，剝民之財，煽惑苗民。三侯於苗地先行謀逆，各會定不遵帝訓，消息傳入京都。帝一日陞殿，羣臣奏曰：「今三苗侯反逆，乞主上遣將征伐。」帝聞奏，召禹曰：「三苗作反，卿可領兵三萬討之，仍命益佐卿，但至其處以



理先諭之如其不然方可制兵禹益頓首領命各賜御酒三杯辭帝而行羣臣朝散
早有細作飛報三苗言帝命禹益領兵三萬征進三苗聞報議曰前朝九黎背反被
其絕滅今我三人只不出戰亦不受召其奈我何卻說禹益領大兵而行益謂禹曰
惟德動天無遠弗届謙受益滿招損帝初耕歷山號泣旻天子父母祗載見警瞽瞍
瞽亦允若至誠感神矧茲有苗禹拜昌言曰余俟至彼遞以道諭之不數旬兵至苗
地安下營寨探馬報知三苗三苗即傳令緊守城池不許出戰禹聞知亦傳令按兵
勿動次日單馬至邊關城下高叫曰請三苗侯臨城某有話說三苗侯正在城上聽
見忙出拱手曰高密侯禹封為高密侯領兵至此有何見諭禹馬上答禮曰先帝棄世爲子
不賢天下咸知舜帝孝道才德兼全舉之承位今帝恭己無爲立誹謗之木廣開視
聽求賢自伐天下之人誰不感戴汝苗氏三侯理應歸順以朝正朔而行仁義政爲
朝廷出力今何不尊正化荒淫好貨致怒聖君命某來問罪某不忍加兵困城故等
速遵王命入朝請罪若執迷不省休我後悔三苗氏笑曰高密侯是何言也我等久
仰汝知天命達道理今出此言何若愚夫禹曰某言何愚苗曰我等聞天下賢明不
少似舜亦廣何不於衆諸侯中舉一人以王天下而舉一匹夫禹曰此論德不論位

有仁德者便可爲主何爲匹夫三苗又曰舜既仁德何一承天位卽逐四帝之裔去
四千里之外其仁何在今又妄自興兵欲滅我等之國其德何存禹曰今汝等立意
何如三苗曰我等無罪亦不敢抗命出戰亦不敢奉召命汝若必欲我等奉命城中
糧足可支數年只守邊關任汝督兵焉奈我何禹曰某甚不忍言軍旅事某代汝等
回奏容其改過自新何如三苗謝曰若得明公片言鼎力我等世不敢忘大德禹卽
回寨同益班師還朝一路秋毫無犯不許鳴金擊奏至帝都犒賞三軍散歸各營次
日帝早朝文武山呼禮畢傳表官奏禹益征苗回朝帝命宣入禹益見帝拜伏階下
帝問曰卿往征三苗勝負若何禹奏曰臣往曉諭三苗不省違逆王命臣思乃鼠竊
狗盜之輩我主誕敷文德天下萬民歸服臣料三苗格矣帝遂罷征三苗之事亦竄
之於三危之山三危山在今陝西行都司故曰竄三苗於三危不知後事如何下回便見

附紀三苗今之苗蠻是也其地方周圍千里內種麥粟豆而食有酒有牛馬犬羊
但無豬其言語皆正音官話若請客先問客食何物若食牛則宰牛食羊則殺羊
以鉤弔肉於中放一火鑊任客各自用刀割生肉於火上炙熟食之酒亦用罈放
火邊欲飲酒任客各自手執一竹管入罈中吸飲之其屋宇只用茅草苫蓋無磚

瓦衣皆牛羊犬馬等皮爲之無布帛紬緞等件爲王者方衣紬緞布帛之服苗地無有紬布但苗兵不時出劫殺人創其貨物進與王者故王者有此服矣內苗蠻分作七處爲七鎮每鎮有一王同姓爲婚其地通四省乃湖廣廣西雲南貴州常不時出擄民遭其害或掠得人去著其刈草看牛馬等人有病卽殺之或生丟於坑湖最恨我南朝人呼南朝人爲漢人自舜至漢苗兵常作亂馬援領兵征之絕其種徧搜四方無一人矣馬援與行軍司馬曰再候七日總有搜不盡者亦餓死矣種類若絕可無後患司馬曰總有幾十人亦不能爲害停兵在此無益促之班師馬援只得從之令鑄一銅柱立於洞口以記其功遂傳令回兵豈知天容姦盜更有四男子三女人逃于山僻地一聞馬援兵退俱出作一處尋果實等食皆得不死生育至今又有數十萬人矣不時出掠害人無厭不知何年再出一馬援可以盡滅其種類矣

第四十九回

舜命禹治水救民

卻說舜帝登殿兩班文武朝賀拜舞畢怎見得

金殿當頭紫閣重

仙人掌上玉芙蓉

太平天子朝元日

五色雲車駕六龍

帝召禹謂之曰今天下地土方八千餘里至於荒服南撫交趾西抵崑崙東長島夷北發戎狄四海之內今雖咸戴朕頗無憂但今洪水爲災先帝曾命卿父治之無功而受罪極朕每欲得一人治之以救蒼生爲萬民莫大之功惜未得其人朕觀卿之才德可堪此重大之任欲卿不憚勤勞以救萬民於水火之中未卜卿意慨然否禹聞帝之言流淚叩首曰臣父有負先帝自當受罪臣每思至此未嘗不三嘆流涕臣本不才蒙君委任敢不奉命願捨身王事以報陛下知遇之恩焉敢偷生自安帝聞禹之奏大悅曰朕得卿此行洪水無慮矣命設宴待禹親賜御酒三盃金花二朶笙簫旨樂送出朝門禹謝恩領旨而行百官皆餞於十里之外一路見洪水滔天禹傷父繇功不成而受誅乃勞身焦思次日陞帳傳令買辦祭物虔誠禱告曰

禹本一匹夫蒙君委任疏通洪水以救萬民今備祭物禱爾上下神祇垂祐臣

禹決不敢偷生息事負君之德傷民之財如有不專神天降罰

禹祭畢散了祭物一夜展轉不能寐至三更時夢一神身披絳繡手握一冊自稱玄夷使者謂禹曰上帝嘉君一意爲民故使某至此授汝以治水之經江河淮漢伊洛

漚離汝濟泗濱涇渭凡屬地方之水皆遵此册以治之黃帝有水經藏在委宛山在今
會北方之治已成然後治南方汝可登宛委而取此書言訖而去禹醒來覺有册在
 手取火視之皆赤文篆字次早陞帳分付左右各備鐵鋤使用傳今日帝都起先開
 九州九州青徐荆揚兗豫冀雍梁九州也用繩牽準以為規矩不致錯亂次通九州水道即黑水弱水
水淮水泗水濟水潁水汝水度九山會稽山衡山嵩山嶽山岱山陸行乘車水行乘船泥行乘橈
音敲形如箕指山行乘權音層以鐵為釘施之禹治江北諸水皆不十分費力只有
 淮水治之甚難一日往淮水邊相度地勢見一水怪形如大木長十餘丈身如黑漆
 其聲戛戛然浮于岸傍以身觸岸岸皆為之崩禹召本地父老詢之老人曰此名支
 期巫也當天陰則浮沉出沒漲怪浪高數丈壞人家屋舍禹遂令兵數千皆執強弓
 硬弩俟其出現登高射之次日其怪果浮水而出兵皆登山射之箭密如雨支期巫
 死于水中禹見水怪已除傳令三軍動工掘壑只見水流澎湃踰有數丈三軍漫散
 而逃見一獸行踏水面往來如飛耳目俱無八首八足禹詢諸父老皆不知何名亦
 令共射之無一箭著肉禹嘆曰天乎是使我不成功蓋愆斯民長從魚鼈侶矣抱
 悶不已是夜復夢玄夷使者謂之曰此天吳也不食不死千歲乃喪吾為汝召庚辛



之神以治之但須佐之以鐵門四扇各長八尺闊四尺厚一尺鐵柱十六根長一丈
 各重八百斤鑄成沉之水底令千兵齊呼曰彫其骨刻其脂成鑼成鑼委渚為夷仍
 鳴金播鼓以助庚辛之威波恬浪息乃止言罷而去禹記其言令軍人如法鑄成鐵
 門鐵柱沈之水中金鼓吶喊之聲聞百餘里只見陰雲四布怪風波浪拍擊不絕須
 臾雲開浪息禹令止金鼓分撥疏通旬日告成禹大喜至岷山在蜀疏鑿江流至白
 帝城在夔見其懸崖削壁水門狹隘令軍人用火燔之不開工人曰不可為也禹曰
 岷山周圍千里惟此一道若不安流其害更有甚於淮河之水者今暫勞乃得永逸
 汝等勿得阻難是夜夢神賜以九牛黃龍導水次日興工岸崩如雷上起西陵峽中
 巫峽下歸峽止三峽共七百餘里頃刻疏通至今西陵峽壁岸猶有影不滅故人皆
 稱神禹焉一帶江淮盡平禹遂南登委宛山取黃帝水經看過然後南疏雲夢洞庭
 瀟湘沅澧長西資嶽漸九江也既治遂東疏彭蠡震澤松江婁江東江三江當其東
 疏三江之時三過塗山氏之門而不入塗山氏自夫離後生子四歲名曰啟聞夫治
 水過其家抱啓出視啟呱呱而泣禹皆不顧弗以妻子攪亂其心惟相度治水為急
 務也在外一十三年所至皆歡聲載道簞食壺漿以迎禹呼百姓告之曰今洪水已

平粒食可與須辨土色以爲耕藝汝等自此安心矣百姓感謝禹遂回朝復命

第五十回 舜南狩禪位於禹

却說舜帝設朝聚集兩班文武拜舞山呼畢問羣臣曰朕命禹往治水經今一十三年未知功效何如皋陶出班奏曰臣聞禹治水三過家門而不入焦勞若此豈不成功言未竟傳奏官奏禹治水回朝帝急命宣入禹至拜伏殿堦山呼畢帝勞之曰卿去十三年朕無時不在心今卿治水其功成否禹頓首奏曰賴聖上洪福九州既正臣治洪水頗得次第自今以後諒不至有受害矣帝曰卿可將制治之要細言一遍與朕識之禹奏曰臣辭陛下之日自帝都起遂先開九州次通九道疏九澤度九山陸行乘車水行乘船泥行乘權山行乘樾教民掘地而注之海驅蛇龍而放之菑水由地中行江淮河漢是也險阻之水既遠禽獸害人者消然後人得平土而居之百姓又得卑濕地以種五穀而民從此得足食矣帝聞禹之奏大悅曰皋陶前言卿治水勤勞在外十三年三過其家不顧妻子不入其門朕思非盛心誠意安能如此自開闢以來無如卿之功也帝顧謂羣臣曰朕子商均不肖朕欲立禹以代朕位諸卿以爲何如羣臣奏曰陛下洞見甚明臣等愚昧伏乞聖裁禹聞帝及羣臣之言驚怖



汗流不敢應對但只叩首而已帝又顧謂禹曰卿宜勉哉母負朕托禹不敢答一言

帝曰卿等且退一日帝命排駕南行巡狩至蒼梧地名河廣之野忽身沾寒疾一病

不起不能乘駕回朝乃召禹及羣臣至蒼梧后娥皇女英亦至帝見羣臣皆至召入

臥榻前各叩首問安訖帝曰朕出南巡陡沾風寒不意沉重之甚恐不能起與汝眾

臣再議朝務矣朕子商均不肖前曾與汝等言過朕崩之後眾臣可立禹以代朕位

各宜遵守朕囑毋得外議又召禹曰卿德播於海內名聞於天下百姓咸得其歡心

代朕之位卿其勉之勿辭禹只得唯唯受命以喚二后妃曰朕蒙先君不棄授之天

下又妻之二女此恩此德無有報日但朕承位不敢偷安今得天下安寧皆賴二卿

內助扶持不想一病至此自知無有起日不能與二卿相隨悠久朕崩之後天下授

之於禹二卿自愛帝言罷而崩在位六十有一年壽一百一十一歲娥皇女英大慟淚

灑於竹皆成斑痕今之斑也禹同羣臣即行殯禮葬帝於九嶷山在湖廣道州寧遠縣

舜南巡則于蒼梧之野歸葬于零陵之九嶷秦皇漢武衆臣隨二后駕回朝禹歸家

帝記祀焉明朝洪武初命建祠瀟湘峯下有司奏大功衆臣隨二后駕回朝禹歸家

即同妻子逃於陽城今河南衆臣尋見叩首而拜禹曰某德薄才疎何能以至天下

先帝况有子商均某安敢違承大位皋陶曰明公今不攝位是有三罪焉禹曰何謂

三罪臯陶曰君命不遵一罪也以萬民付之不肖二罪也今不奉命致天下無主三罪也請明公熟思之禹曰蒙足下見教其實不稱其職臯陶曰不可太謙天下不可一日無君請上車駕禹見衆臣立逼只得而行衆臣簇禹車駕回朝不知後事如何再聽下回分解

明五峯論斷曰讀三帝書而後知聖人澤及斯民之遠也後世有立功必一時興利於一邦者人猶追思而祀之是數聖人者有功於天下萬世皆不得推苗裔立宗子建廟庭春秋四時而享天下之報也噫

第五十一回 禹王承位會諸侯

却說禹按說禹受禪成功曰禹乃黃帝元孫黃帝生昌意昌意生顓頊顓頊生絳繇娶有華氏之女名修已見流星貫昴夢接而孕懷十有二月乃薨戊戌五十八載六月六日生禹於棘道之石紐村棘音北邑名在姓妣氏禹爲人敏給克勤其德不違其仁可親其言可信聲音應爲鐘律以身合爲法度行年三十未娶行塗山在今壽春恐時之暮失其度制乃祝于天云吾娶也必有應矣乃有白狐九尾造于禹前禹曰白者吾之服也九尾者王之證也於是塗山之人聞其異爲之歌曰綏綏白狐九尾麤麤我家嘉夷



來賓爲王成子室家我都攸昌大人之際子茲則行出遂娶塗山之女名曰女嬀生子啓焉舜帝既崩禹避舜子商均於陽城羣臣諸侯不歸商均而歸禹於癸巳年夏四月受舜禪禹以金德王建都安邑平陽府屬國號夏仍有虞氏乃去帝號稱王立塗山氏嬀爲后立啓爲太子以建寅爲正月歲首色尚黑牲用玄以黑爲徽號作大夏之樂夏者言禹能大堯舜之德也舜帝初分天下爲十二州有禹土卽位分天下爲九州收天下美銅鑄九鼎列分野以象九州差田土之高下定貢稅之式度立井田封建之經界盡一時斯民養生之道禹王卽位衆臣朝賀山呼拜舞畢王曰朕欲南巡會諸侯於塗山在鳳陽府承唐虞之盛世以立德教以明朕心卿等以爲何如衆臣奏曰聖意際盛無有不可王悅卽命頒召南方各鎮諸侯去訖昔黃帝作車乘少昊駕牛引車今王命奚仲駕馬爲引以別尊卑等級王乘之以會諸侯王過江江渠山自岷山舟至江心忽然波浪掀天見一黃龍負舟舟中人皆懼王見舟若將覆之狀仰天嘆曰禹受命於天竭力以勞萬民此天所以爲我用也夫生寄也死歸也奈何憂龍焉視龍猶蛇蚺矣言其蠕動王顏色不變須臾龍俛首低尾而逝王舟遂至岸一目到塗山衆諸侯排列出接車駕且說是那幾鎮皆是南方共二十四路畿農封者

有巢侯 紀燧人侯 會神民侯 國黃神侯 直猗帝侯 勳皇覃侯 星次民侯 冊啓統侯 可
大敦侯 東大魄侯 正譙明侯 登黎靈侯 仲冉相侯 大空絜侯 禮涿光侯 德獨山侯 文
泰一侯 官弁茲侯 方吉夷侯 陽拒零侯 燦東戶侯 變巫立侯 春鉤陣侯 遠稀韋侯 靜
禹王上了盟壇隨班文武左右侍立衆諸侯參拜已畢王曰朕素無才德蒙先帝付
之以大業卿等皆承前朝封爵各宜遵守聖教務行仁德之政無負先君之化衆諸
侯皆唯唯聽命王曰朕德薄才拙不足統一天下受先帝之命衆臣推立每不自安
朕今懸鐘鼓馨鐸以待四方之士若有教寡人以道者許擊鼓而進寡人領教之
有諭以義者許擊鐘告以事者振鐸語以憂者擊馨有獄訟者搖鞀卿等亦宜置此
物以諭民衆諸侯齊聲領命王大喜命排筵席酒用醴酪古酒名此酒一宿飲待衆
諸侯飲宴畢各散次日衆侯登壇齊列謝宴王命各歸本國衆諸侯謝恩而去王亦
整駕回朝南方自此皆依王化王巡狩回見路上罪人下車問之曰汝等何至於此
衆罪人奏曰某獲某罪而受此王聽罷泣之左右曰此等罪人不順該受此刑罰主
上何爲哭之王曰先代之人皆以堯舜之心爲心寡人爲君百姓各自以其心爲心
故遭此刑是以痛之遂分付左右以歷山之金乃舜帝積藏者與民贖罪聽其改過

罪人再拜叩首而去不題

第五十二回

禹惡旨酒貶儀狄

欲說禹王自會諸侯回朝一日陞殿羣臣朝畢有一臣姓儀名狄生得頭偏面陋鼻
勾耳薄專一好沉酒留連之樂出班奏曰臣思乳漿爲酒味甘而氣臊非所以奠神
明養聖志者臣於諸藥中取其暖熱甘苦者爲末作麴釀酒以米熟炊和麴覺氣味
香芬可以通和血脉暢快肌膚變可以爲喜樂可以忘饑王命取來嘗之放於龍書
案上聞其香味遂連飲數杯不覺酩酊大醉侍臣扶入寢宮羣臣皆散俱到儀狄府
求飲儀狄出酒衆臣飲畢皆曰此酒可以潤皮膚行氣血遮風寒可爲千古之寶各
求酒方去置造卻說王睡至四更醒來大驚急出設朝聚文武多官拜舞畢王宣儀
狄謂之曰卿昨進酒果勝乳漿少飲則血氣通多飲則心性亂恐後世人嗜其甘香
飲之不節必有因酒而亡國喪家者還宜滅之勿傳天下以害後人即當殿貶儀狄
爲庶民禁止不許造飲豈知革一弊興一弊只知貶狄爲民怎知狄回家暗造發賣
衆臣得酒方亦皆在自家造飲王不之知也俗云家家造私酒不犯是高手信有之
乎且說王一日登殿欲會東西兩路諸侯於會稽屬浙江命益領旨前去益辭王先

行會東西二路諸侯二十九位乃伏羲神農黃帝堯舜朝封立者不知姓名是誰且看開列於左

女皇侯 名史皇侯 山柏皇侯 孝無懷侯 忠吳英侯 庭辰放侯 實陰康侯 淮葛伯侯 茶赫胥侯 葛尊盧侯 遠栗陸侯 振臨魁侯 通帝承侯 暹帝明侯 逐帝來侯 克帝襄侯 政帝宜侯 來成地侯 金榆罔侯 中有扈侯 靈茶鄉侯 保庸成侯 交征黎侯 慶三危侯 西小英侯 益正地侯 列啓統侯 佐定日侯 書防風侯 從

王命排駕同羣臣不數日到了會稽諸侯齊列迎駕各帶文武於會稽侯侯次日王登壇衆侯朝恭山呼拜舞畢益出班奏曰蒙主上旨意召東西二十九路諸侯俱到惟防風侯一路荒淫貪財不遵王命至今未到王聞奏大怒曰寡人治天下四夷賓服防風侯何故違命承直官奏道防風侯見在侯旨王曰宣來侯隨宣至壇拜伏於地王問曰寡人行召命已久衆諸侯皆至汝何遲延身為國主而貪財好色弁髦王章朝廷三尺豈私耶防風侯奏曰因道路崎嶇洪水潮溼故此來遲王顧衆侯曰卿等俱自本國來此有洪水溼道路否衆侯齊奏曰自我主治水之後並未遇水之害臣等不敢妄奏王聽罷大怒罵曰匹夫為私已來遲敢出此亂言寡人治洪水四方



皆平何獨汝行便逢溼浸想必一路搔擾民財故來遲也命益於彼軍中搜之果搜出金帛十八車美女九人益不敢隱諱當王直奏王大怒命牽出於盟壇下斬首號令王命宣其子為防風侯衆臣奏其無子命去其國號以地土分鄰國治之美女發回原籍金帛分賞衆侯文武命排宴款待衆侯只飲醴酪禁止儀狄之釀衆侯羣臣皆依次序燕翅列坐畢酒行三巡肴過五味奏大夏之樂此宴十分齊整君臣懽暢王大悅命止樂語衆侯曰前者儀狄所進之酒聞之香美飲之昏醉亂性之媒非此而誰人性既亂終必淫蕩廢墮紀綱事幾不至于叢脞而不止者况人非堯舜安能早爛其幾不為所溺哉朕所以疎儀狄而絕旨酒無非為世界杜卻禍根卿等當以朕之言為然毋眩惑儀狄可也衆侯皆唯唯聽命宴罷王又與衆諸侯曰卿等同國當以赤子視民廣施仁政無如防風侯自取罪惡衆侯叩謝而退次日王登壇衆侯朝拜辭王各回本國王登車駕回朝衆侯遠送各別而去自此天下大治四夷朝貢萬民安業忽一日日轉西南雲生東北上天雨金三日夜殿階俱滿出王陞殿文武朝賀山呼禮畢王命侍臣搬運數計一百八十九萬零王命衆臣分均十分將一分入庫一分分賞衆臣八分分解天下諸侯施濟孤寒貧苦之民毋得虛應故事務沾

實惠眾臣稱揚聖德朝散不題再說王自受位以來焦勞萬幾無敢少怠非飲食而致孝乎鬼神惡衣服而致美乎黻冕卑宮室而盡力乎溝洫天下因以太平一日沾疾不起眾臣入內問安進藥王曰生寄死歸有生必有死藥豈可療久疾苦豈能醫人不死哉眾臣見王不肯服藥叩首以問後事王曰朕年百歲死何足慮朕觀諸臣中能成天下者惟益一人耳朕崩後汝諸臣立益為王以承天下言訖而崩王在位二十七年壽百歲益聞王言自知王子啓賢明不敢當天子之位避于箕山在河南登封縣眾臣殯王子塗山在會稽縣西北天下諸侯朝覲及謳歌訟獄者不知益而知啓推之即位皆曰吾君之子也

補遺禹王娶塗山氏之女生三子長曰啓承其本姓夏次日宰為顧氏三曰罕封余慶王即姓余氏塗山氏能明訓教而致其化三子皆賢明而知王事達君臣之義持禹王之功故啓繼父世以有天下初禹薦益封之百里每觀其賢行事合道欲授以大位益聞避之天下諸侯推啓為君啓亦知益賢明即位之日即命召益為輔佐不一年而益歿啓即獻犧牲以祭之後為秦始祖

第五十三回 諸侯立啟即帝位

却說啓乃禹王長子母后塗山氏之女名女嬌其母賢能聰敏生三子皆賢先帝本意中於益欲立子恐天下人議王私於已子致賢人失所故囑以立之以服天下之人不期天下皆共聞啓賢明不知益而知啓於甲申元歲立啓遂即大位啓字奮校

羣臣朝賀山呼拜舞畢啓帝曰舜帝子商均為賓奏官主治九新九歌舞九韶種種有法節節可規王甚喜之加封為正音侯九新者乃九音之樂器也九歌舞乃祭山謂亦樂之大者帝啓頒旨會諸侯於鈞臺在今河南禹州是也諸侯皆至朝祭帝啓山呼畢命

設宴以享諸侯帝啓曰朕無才德不足以王天下但諸卿冒舉有遠先君之命朕天地間罪人矣今暫領國務俟有德者居之諸侯頓首皆頌聖德六卿疑達疑勝正忠

正林德武德用出班奏曰今有慮侯無道不奉正朔慢侮五行不遵金木水火土五教也怠棄三政不遵子丑寅三政不遵陛下旨意帝啓曰既有慮侯無道欺侮卿等六卿即代朕伐之六卿領旨別駕點五千人馬殺奔有慮國來小卒飛報有慮侯有慮侯靈招即

點兵出敵兩陣對圓六卿出馬問曰有慮侯天下諸侯皆歸王化汝何悖逆靈招答曰某聞天下公器非可私傳汝等受啓之私忘先君之命立啓為王眾甚不服六卿曰堯舜為子不肖故授賢明今先君之子仁愛慈孝德播天下何必廢其親子而授



他人靈招笑曰知子者莫如父知己子不可為君故授之益汝等皆違先君之命致賢人失所反敢陣前亂道耶手撚長鎗拍馬殺過陣來望六卿便刺六卿終是文官只道靈招不敢出戰不知隄防無一人抵當大敗而走三軍散亂六卿奔逃各不相顧靈招見六卿敗去亦不追趕收兵入城六卿敗走三十里見無追兵方收集殘兵回朝入奏帝啓曰臣等領王師征有扈侯不忍戰伐欲其改過不料靈招原心不改恃強殺進臣等失於防備今收回見陛下乞再統兵往之將功折罪未敢擅便奏請定奪帝啓曰不可且人地非淺民非寡也今茲不勝是寡人德薄不良不善也何再伐為六卿叩首而退帝啟自此琴瑟不張鐘鼓弗考不茵席不仍味秉政聽朝尊賢委能廣布德政四夷賓服百姓咸得觀化有扈侯靈招聞帝啓如此仁德上表悔過請罪帝啓覽表大悅語羣臣曰彼時六卿之敗朕自知過故不命再伐今朕不行征討而人自服矣古云正已則人正信其然也遂赦靈招前罪當賜來使甚厚回國帝啓退入後宮一連三五日未曾設朝覺身不爽快自知不能起召羣臣至後宮遺囑衆臣拜伏於龍榻前命起立帝啓與衆臣言曰朕蒙諸卿舉立即位九年皆賴卿等扶持國家頗安朕福德薄不一年而益喪朕甚為之慟悼今朕得疾自覺神不守舍



但天下大事必得賢才然後可托朕觀眼前之人皆未有可授之者朕子不識國事卿等宜從衆公議尋擇賢明以保社稷庶不負先君之志朕死無憾矣言訖遂崩於建德殿在位九年壽五十三歲衆臣治喪畢葬王於鈞臺陂之左山不知後來衆臣擇誰為主且聽下回便見

第五十四回 羿宣禹訓廢太康

却說后羿慕唐堯時射日之羿取名膺力絕倫亦善射第一每有跋扈不臣之心見帝啓賢明無隙可乘羿率文武六卿議曰先君知太康荒逸故不立之恐悞國政故囑我等擇賢者而授然今目前未有賢者且天下不可一日無君宜立太子康正位倘能勤政亦未可知衆臣皆曰羿君之言有理於癸巳年春衆臣立太康即位兩班文武朝賀畢太康曰朕承先王之緒卿等文武各進一級衆臣謝恩而退太康為君不恤國政天下諸侯朝與不朝貢與不貢六卿奏治之不聽至辛亥十有九歲太康頒旨命畋獵於洛水地名在河南府之表詔后羿權朝衆臣苦諫不從同佞臣采異瑞奇二人駕鷹逐犬挽弓走馬數旬不歸朝野怨憤羿見太康荒淫乃與百官商議曰今主上無道不理國政一出獵十旬弗歸羿乃宣先王聖諭距之於河不許回國仲康頗

嘉問衆臣曰諸公之見若何衆臣六卿曰是可同往奏聞仲康見百官齊聲應諾遂同至洛水之表奏知太康道后羿同百官距河阻住聖駕今我主早作裁處回朝太康聞得此言大驚失色顧采異瑞奇曰今后羿會百官距河阻朕駕不容回國二卿何以處之二人奏曰后羿百官皆臣下也陛下乃君父也諒不敢阻車駕陛下只管發駕回朝看其有何話說太康發駕至河羿同百官佯作不知於城河邊故問曰來者何人采異瑞奇出曰聖上回朝何人敢阻車駕羿曰致君無道荒政皆爲你這兩個奸佞出游十旬弗歸尚敢亂言耶今駕何在自不向前二人被羿大罵一頓啞口無言只得回奏太康道羿果同百官阻住河城要主上自上前方肯開城太康無奈命力士推車駕向前呼曰何人閉城阻朕車駕后羿於城上答曰天生萬民必立君以治之非欲以民而奉君也如近代堯舜禹之爲君苦心焦思勞若臣虜土堦茅茨兢兢如捧盈彼豈不知自圖逸樂而厚自適哉誠以請舟覆轍民多變態朽索馭馬驅馳則斷故天下諸侯舉堯於上位堯授舜於歷山舜禪禹於陽城舉世惟恐其不爲天子焉榆岡帝孽獨非天子一旦荒淫不道舉世棄之如斷梗土大覆轍在前而君不明鑒尚且安危利害棄忠正而就邪佞君既不以堯舜禹自待衆必以榆岡帝孽

待君今日之事尙復何言太康采異瑞奇聽罷汗流大驚羿令史官鄭正高聲宣讀禹訓曰

皇祖有訓凡後爲君有內作色莊外作禽荒甘酒嗜飲峻宇雕牆有一於此未或不亡許衆臣廢之別立新君今太康犯禽荒之戒聽佞臣之言失皇祖之訓理宜別立新君以慰民望采異瑞奇貪邪奸佞致主不道斬首懸之蒿街以謝天下太康荒逸始念先君長子廢爲改正侯速脫龍服回國聽命

太康見宣聖諭只得脫下龍袍羿同百官開城軍民人等歡聲雷震后羿令武士斬采異瑞奇於河前即同太康衆臣回朝不知還是如何

第五十五回

仲康即位斬羲和

却說仲康乃太康之弟帝啓次子也王成元年后羿同羣臣推仲康即天子位羣臣朝賀山呼拜舞畢羿出班奏廢太康爲改正侯出居河南今太康縣不許留停太康謝恩而去仲康承位見羿威權只得拜爲首相恐羿專兵權有變知余胤忠貞封爲胤助侯以掌六師收羿兵權羿懷恨於心不敢聲言唯含忍而已余胤生得身高九尺五寸白面長髯乃禹王第三子罕長子禹王之孫也父罕封爲余慶王即姓余氏

時年十七歲仲康知其賢能有才故重用之封羲和即堯時造曆之羲和也年百廿六歲仲康斬之為厥司官和沉亂於酒不管歷數自得儀狄酒方專只造好酒進后羿欲求顯要羿每受其私日食不奏致食三日不見仲康大怒立命胤助候統衛卒以正其罪胤助候領旨直至羲和府中數其罪過推羲和而斬之即入朝回奏不題却說仲康因過飲魚湯腹痛一連半月染病自知不起召羣臣於臥榻前羣臣皆拜伏於地問安仲康曰朕蒙卿等推立今不幸中道分別朕崩之後可立太子相為君羣臣皆叩首領命而退仲康密呼余胤囑曰今朕命卿等立相為君每觀后羿有不仁之心卿宜早圖之勿負朕之所托言訖而崩仲康在位十三年壽四十二歲葬于安邑即夏都也鑑斷曰后羿廢太康而立仲康其篡乃在相之世是則仲康猶有以制之也羿之立仲康也方將軌其禮樂征伐之權以號令天下而仲康即位之始即命余胤掌六師以收其兵權羲和之罪雖曰沉亂於酒日食不奏因黨惡於羿仲康明其事故以亂酒命余胤除之以翦去羿之羽翼矣因終仲康之世羿不得以逞其惡使仲康盡失其權則羿之篡夏豈待相而後敢為不仁耶

第五十六回 后羿篡夏弑帝相



却說仲康棄世囑後事於余胤而立帝相自乙亥歲即位余胤不兩月而亡權俱歸於羿原來后羿久懷篡逆但懼余胤見胤已死帝相在位羿便設計誑駕帝相陞殿眾臣朝祭畢羿出班奏曰安邑自禹王建都已久地道衰微我主可遷都商邱今河南歸德府商邱縣是以于天下臣安排已定請聖駕啓行帝相問眾臣曰卿等公議何如眾臣見羿威權恐遭其害皆不敢對后羿又奏曰陛下放心臣自有可取促之甚迫帝相亦畏其威只得同百官離安邑望商邱進發時有四賢臣羅武伯圍龍圍熊鬃羿以禮聘在府為謀士羿不隨駕欲與兵半路弑帝相與四賢商之四賢皆諫曰不可君無罪過弑之不祥宜盡臣道以忠事之羿見四賢不允只得隨駕至商邱羿又有二佞臣寒泥伯明見羿隨駕途路上三心二意的乃知其心事以言挑之曰主公移聖駕今來商邱何故悶悶不悅心中必有所為諫慮某二人不才願効犬馬之勞羿大喜曰汝二人乃吾心腹之人何不知我心事更待問我前廢太康立仲康之時吾實欲滅夏自王因為以仲羿余胤掌六師兵權不在我手故輟之未敢行幸余胤已亡今兵權悉歸我手新君懦弱是我生計誑駕移都商邱實欲弑帝相自立我商之羅武等四人不為我助又未敢行故此不悅耳寒泥伯明二人聽羿之言笑曰耕當問奴

織當問婢彼四人乃白面書生豈識大事主公欲取天下何不問我二人羿曰據二卿之意何如二人曰趁今商邱王都未定民心未安乘其動搖之際便串殺了帝相回都安邑封眾臣以美官賞諸軍以厚利開倉賈德收握兵權然後自立有何不可何必憂心如此羿聞二人之言滿心大喜帝相至商邱登殿文武山呼畢后羿奏曰陛下新都商邱民心未定來日請聖駕巡狩以安百姓帝相懼羿之威不得不從次日羿恃其英勇左插雕弓羽箭右帶寶劍跨一匹紫驃隨鷹而行行有十里羿顧伯明曰可以殺之否伯明曰且未可動手恐百官三軍之心一變事不得諧羿再隨駕至三十里又問伯明曰今當如何伯明曰候帝相到駐節之處以毒酒進之萬無一失羿又隨駕至駐節所百官皆下馬進隨駕入行宮羿將毒酒跪進奏曰陛下一路風霜勞煩請飲此醇漿止渴帝相怎知有每一飲而倒在位二十七年壽四十二歲眾臣一見皆大驚失色莫知所措伯明寒浞各跨馬提刀而出揚聲曰帝相不守祖訓出游郊外今幸已亡相國后羿才德俱全名播天下可代夏祀眾臣有不遵者斬首號令眾臣怯羿威權唯唯聽命羿即乘駕同寒浞伯明等徑回安邑羿之四賢見羿弑君漏夜先奔回入宮報知帝相后後亦逃之他國以避后羿不知後事如何

下回便見

第五十七回

寒浞誘民殺后羿

卻說帝相之后有仍國君女也后羿弑帝相后懷少康方在孕后聞得四賢奏遂從溝洞逃出星夜奔歸有仍之國有遺臣傅靡聞知亦逃奔有鬲氏禹王封同姓之國名后羿反兵入朝朝臣皆亂竄寒浞伯明扶后羿正位臣弑君始改國號曰有窮立子太澆為太子眾臣朝賀畢伯明出班奏曰今有斟灌斟鄩二國乃夏同姓諸侯帝相所倚者且近安邑倘彼知帝相失位必然來動刀兵我主宜先發一旅之師滅其國以絕後患羿允奏命子太澆同寒浞領兵一萬征之眾臣朝散后羿退入後宮將帝相妃嬪淫慾大亂國政任其所為天下諸侯雖知亦不敢會正其罪不題且說寒浞領兵至斟灌侯境界催兵殺發城中斟灌侯未曾提防一鼓而滅其國斟鄩侯聞知帶家屬連夜奔投有仍國去了寒浞兵至百姓同告斟鄩不知走往何處寒浞亦滅其國回奏后羿羿大喜重賞太澆封寒浞為相浞妻行媚於內乃納宮中入施賂於外愚弄其民密與民曰后羿弑君今又欲窮汝等汝等要求安業除非殺羿立夏方有生日民皆信寒浞之言為實皆欲生食羿肉羿不知也以聽寒浞為腹心不修民事寒浞知



民心已變一日奏羿曰百姓聞主公滅夏十中有一二不服者主公可於出獵野外以察民心如不服者斬之則民何敢不服羿不知是計聞奏大悅曰非卿奏知朕豈知道即傳旨次日出獵窮門后羿入據夏號曰有窮之郊寒浞見羿准奏暗地報知百姓言羿欲滅夏國人民來日以出獵為名暗中取事百姓聞知此言皆自相會合各執短刀長鎗先行反亂羿排駕正出窮門見眾百姓各持刀鎗向前迎來羿駕中忙問曰汝眾百姓各持刀鎗為何眾百姓曰我等乃夏朝臣子汝弑君自立又欲窮我等至死故與夏朝報仇以誅逆賊羿忙呼左右救駕眾百姓亂刀亂鎗向前不容分說后羿護衛親兵各不相顧一閃走了羿遂死于非命篡位八年正是善惡到頭終有報只事來早與來遲眾百姓將羿屍碎割烹之捉其子太澆跪於窮門令食羿肉澆不忍食亦被亂刀砍死寒浞見后羿父子俱亡忙令出榜安民回入朝中伯明遂立寒浞為帝浞生得黃面紫鬚勾鼻闊口自是奸雄之相以伯明為相明生得面如黑漆無鬚口方國號昭平以羿妻為后自浞立後天下諸侯皆不朝覲浞亦不敢究諸侯之罪日與伯明飲酒為樂夜則淫亂宮庭不理朝事話分兩頭却說帝相后自逃回父國半月生少康少康生而神靈時光似箭不覺長成一十六歲外翁授之

為有仍牧正

名官

寒浞聞知使椒生捉之有人先報知少康遂奔走有虞國

商均虞侯之後

封少康為庖正

名官

膳餼虞侯見少康類異有帝王之相即以長女淑英次女德芳

妻之封邑於綸

地名今平陽府榮河縣也

有田土十里農夫五百人賜少康夫妻自去享用少康

至綸能布其德而兆其謀每有志復父之仇恨力不足終日憂於心且說有臣傅靡者昔逃投有鬲侯今聞帝相後少康在虞為增布德施仁靡大悅與有鬲侯商議起兵入虞迎少康復位有鬲侯應允即點起人馬五千行文書會同有仍侯俱至虞國取齊眾臣見少康皆大哭傅靡曰但諸公同心協力恢復王室以成大業勿効婦女酸悲也眾臣皆收淚且看三國諸侯如何扶少康復帝業

有鬲侯乃禹王第三子罕之後姓余名振年一十八歲生得面如傅粉唇若塗硃

統五千兵同帝相舊臣傅靡而行

有仍侯乃舜帝之後姓姚名達乃少康外祖年六十八歲面白長髯統兵五千而

行


有虞侯乃商均之後姓姚名浼乃少康之岳年四十二歲赤面黃鬚統兵五千而

行

少康自收夏之士大夫播遷者得五千餘人統兵保駕而行
少康共三路諸侯合兵有二萬三千擇定九月初一日投奔安邑而來未知勝負如何

第五十八回 少康中興滅寒泥

却說少康陞帳眾臣參見已畢少康令三軍放砲起兵一路秋毫無犯直至安邑離城三十里札下營寨打戰書入城問罪寒泥陞殿傳表官奏知呈上戰書寒泥覽罷大驚失色請眾臣曰今三侯謀逆卿等有何計策退敵眾臣皆滅口無言泥子禮出班奏曰篡夏帝王者后羿也今父王殺后羿以取天下非弑帝相也今三侯來犯闕兒願出以利害說之使封父王為侯而以天下讓之如或不然古云兵來將對水來土掩望發兵一萬兒去敵之泥聞子言轉憂成喜令伯明為主將二人各贈酒三杯禮曰卿等退得兵後朕封賞不輕泥子辭父謝恩出朝次日披掛出陣怎生打扮頭戴一頂三山四鳳八寶紫金盔身披一付連環鎖子獐猊鎧穿一領猩猩血染絳紅袍坐一匹千里追風馬持一杆梨花點鋼鎗帶一口七星昆吾劍生得面赤鬚黃約年二十多歲耀武揚威立馬陣前兩邊八健將燕翅分開少康亦同眾諸侯傳靡出



陣禮子曰汝等不守本國與兵到此為何少康曰汝父濟惡篡我夏朝弑我君父此讎不共戴天安肯不報邪禮子曰弑汝父者后羿也我父已為汝父報讎反以德成怨况夏朝亦非汝祖創制乃是盤古以至天地人三皇伏羲神農黃帝堯舜歷世代相傳惟有德者居之汝祖懷私傳之於子貪心不了致有今日廢立何巧言令色誰篡汝夏朝耶少康被此一說話塞不能念傳靡出罵無知蠢子汝父作事只可瞞得少主如何瞞得老夫后羿無汝父濟惡不敢篡逆汝父使羿弑君來自殺其主今尚不出受誅乃敢使汝與兵出迎於陣上搖唇鼓舌眾諸侯何不向前生食其肉更待何時只見少康岳丈有虞侯姚悅有葛侯余振二人飛馬雙臨陣前怎生打扮

兩頂盔盔攬鳳翅兩領甲甲挂龍鱗兩件袍猩猩血染兩雙靴朶朶雲生兩張弓彎彎秋月雨蓬箭箭坤寒星兩匹馬翻江攪海兩口刀取魄追魂

兩軍吶喊助威金鼓大作三人忿力殺進禮子伯明各舉兵刃敵住一來一往約戰四十回合有仍侯姚達領一枝兵橫腰一冲禮兵大亂措手不及被余振一刀斬為兩段伯明見斬了禮子心慌亂回馬欲走入城中被姚悅腦後一刀斬于馬下城中百姓砍開城門傳靡殺至午門寒泥走入後宮自刎而亡在位三十二年傳靡趕至

割頭號令四門出榜安民斯年乃壬午歲十一月也三諸侯即立少康嗣位迎母妻歸養民皆大悅少康命設太平筵宴以待諸侯羣臣各皆厚贈加封諸侯謝恩各回本國次日傳旨以傅靡為相以女艾為將召后羿四賢羅武伯圍龍圍熊羆為正教官四賢皆不肯出仕少康復夏道中興天下諸侯來朝四夷來賓在位二十二年壽六十四歲而崩傳位與子帝杼

世紀論曰少康靡高真人臣哉志在討賊行仁義而已非圖富貴也故受困厄而不淪濱死亡而不息兢兢業業經營三十餘年然後克殄元兇祀夏配天不失舊物嗚呼此真可謂中興者矣故唐虞世南論歷代中興之主以少康為魁胡雙湖曰少康崎嶇離亂之間復禹跡還舊都祀夏配天不失舊物而有夏中興焉後之言中興者當自少康始少康其中興之賢君靡其中興之良臣與熊勿軒曰羿泥之禍已無夏矣義農虞夏商以來相傳之正統共繼者蓋三千餘年矣有尾正一城之地一旅之眾仗義匡復而卒恢復禹舊跡踐天子位者要亦為之君者有樺亂之志為之臣者有盡忠之節人事既盡能以天下為定命故能繫茲大業推原其故亦繇虞君思之為也虞舜之後也一代之興則先代子孫



于主家與國多其休戚古人之慮蓋深遠矣後世得人之國則絕人之祀不知天道昭明禍反踵之虞夏商周之子若孫傳祚二千餘年其効斷可觀矣張廣漢曰靡與有鬲有仍二侯皆佐少康以有為者也若使少康之君臣此數十年中不忍而欲速則身且不保而况國乎惟其潛也若深淵之觀淨故其發也如春陽之振動惟其時也

第五十九回

七帝仁明享太平

卻說帝杼弱冠遭家未就與先王少康共歷艱險有英毅之資師禹王行事諸侯來朝坐享安靖甲辰年嗣位庚申年崩在位十有七年壽三十有九歲傳子槐立是為帝槐於辛酉元年嗣位東九夷來御四方無事享國二十有六年崩傳子甚立是為帝甚丁亥年嗣位眾臣朝賀畢帝甚曰朕欲同卿等以玄圭寶於河東狩於海可乎眾臣奏曰陛下溥施盛德無有不可帝甚聞奏大悅古帝王聘賢以圭主帝執用者曰玄圭圭公執用者曰舉圭諸侯執用者曰信圭伯執用者曰躬圭子執穀璧男執蒲璧古時公侯伯子男聘人皆執圭為信今帝卒欲取信于河海故執玄圭于河東狩于海使神明見其肺肝而已矣次日帝甚排駕執玄圭備祭禮至河邊禱告河神祝之曰朕甚承祖天下以攝萬民敢不取信於四方而競祖業今朕禱爾河神擲玄圭於

河內以表朕心如朕不仁神其降諸

帝甚禱畢以玄圭擲於河中又同衆臣起身至海河海清平帝甚回朝天下太平帝

甚崩遺命囑附傳子泄立是爲帝泄乙巳年帝泄即位乃設早朝百官奏六夷夷

白夷赤夷各遣使入貢帝將所受之貢物問衆臣曰今外夷賓服各獻其方物朕用

何物以答之有臣出班奏曰臣聞太祖時夷人貢物止答之以土產相沿已久至太

康失位四夷皆叛至帝相乃征外夷各國方平然後來貢今陛下宜賜爵上封號以

來貢先後爲高下厚薄則夷不敢背叛矣帝泄聞奏大悅即命厚賞使臣加封命之

制爵各爲本地王位夷使謝恩回國自此俱各降服無敢異心封夷爵帝泄在位十

有六年而崩傳子不降立是爲帝不降辛酉年即位享太平之國五十九載而崩壽

七十歲不傳子傳弟肅即位是爲帝肅庚申年嗣位亦享太平之國二十一年而崩

壽四十歲傳子厲立是爲帝厲辛巳年嗣位亦享太平之國二十一年而崩壽三十

六歲帝厲復傳不降之子孔甲立是爲帝孔甲已上七帝共治天下一百八十八載

風調雨順國泰民安諸侯來朝四夷賓服羣臣遵君不知後來如何且聽下回分解

第六十回

劉累醢龍貢孔甲



卻說帝孔甲於壬寅年即位專好鬼神之事不正官庭不務德政天下諸侯都叛表

雪片入奏只當不知衆臣諫之不聽一日天降二龍一雌一雄落在朝門之外近臣

奏知帝問於衆臣曰天降二龍此何吉凶左部一臣名蔡史出班奏曰天降二龍不

升乃道英雄困天下出旨有能養龍者賜與若人著其教訓帝准奏即出旨召有能

養龍者左班部中聞一臣名鄧雲上奏曰有劉累者能善養之帝曰卿何得知鄧雲

曰昔有晉叔安甚好龍每求其嗜以飲食之故龍多歸柔馴易制先帝賜其姓董氏

封宗川侯後劉累學養於董氏臣故知其能養也帝聞奏大悅即遣使宣劉累入朝

劉累隨召拜伏階下帝曰今天降二龍不升必要養畜待其自去朝臣薦汝能養故

召汝至此領去果能養否劉累奏曰臣果能因其嗜而養之帝喜命領去養劉累隨

即出朝分付手下之人扛龍到家嗜養平日親自調和飲食常進美味飲食於孔甲

孔甲甚喜其賞賜甚厚一日其雌龍忽死累潛醢此龍調和烹進孔甲食之其味甘

美即封累爲御龍侯遂入朝謝恩一日孔甲思食前味令使再著累雌龍醢進累

接旨大懼自思死者可醢生者何敢近去殺之只得把兩句閒言支吾使臣去了遂

連夜逃於魯縣魯山縣是使臣見劉累逃走回奏孔甲言劉累逃走外國孔甲大怒

命武士三百人前去養龍池捉龍殺而醢之武士領旨至養龍池放乾池水正欲下手捉龍不知龍乃靈物見水乾涸翻身一搖將三百武士皆捲入池中霎時間天昏地暗大雨滂沱龍騰雲而去三百武士可憐死于非命帝都亦滂沱大雨雷電三日方息漂去民房由如平地水深丈餘使臣奏三百武士皆渰死於養龍池孔甲聞奏大驚因而得病不起旬日而崩在位三十一年壽六十歲傳子臯立是爲帝臯癸酉年卽位享國十一年壽四十二歲而崩傳子癸立是爲帝癸

繪圖開闢演義卷之三終



所入馬
圖時
書院